



TERMAT E REFERENCES

Lloji i vlerësimit	Ekspert për ofrimin e shërbimeve të konsulencës për hartimin e strategjisë dhe planit të veprimit për shërbime sociale 2025-2028 për Kryeqytetin e Prishtinës.
Vendi	Kosovë
Lloji i konsulencës	Ekspert individual
Kohëzgjatja	Qershor- Shtator (orientimisht 10 ditë angazhim)
Data e pritshme e fillimit	Qershor 2025
I raporton	SOS Fshatrat e Fëmijëve, Kosovë

1. Hyrje

Këto terma të referencës shërbejnë si kërkesë për propozime nga ekspertët individual që janë të interesuar për ofrimin e shërbimeve të konsulencës për hartimin e strategjisë dhe planit të veprimit për shërbime sociale 2025-2028 për Kryeqytetin e Prishtinës.

SOS Fshatrat e Fëmijëve Kosovë

SOS Fshatrat e Fëmijëve Internacional është organizata ombrellë e federatës botërore e 118 shoqatave kombëtare të SOS Fshatrave të Fëmijëve, që veprojnë me programet e tyre në shumë vende të botës. Ne punojmë bashkërisht me një vizion të vetëm: çdo fëmijë i përket një familje dhe rritet me dashuri, respekt dhe i sigurt. Ne ofrojmë përkujdesje afatgjatë familjare, në mënyrë unike, për fëmijët dhe të rinjtë që e kanë humbur kujdesin prindëror, me familjet dhe komunitetet e cënueshme për t'u ndihmuar që të fuqizohen dhe ta parandalojnë braktisjen e fëmijëve.

SOS Fshatrat e Fëmijëve Kosovë është organizatë joqeveritare për zhvillim social, e cila është aktive në fushën e të drejtave të fëmijëve duke i mbështetur nevojat dhe shqetësimet e tyre që nga viti 1999. Ne ndërtojmë familje për fëmijë pa përkujdesje prindërore, ne u ndihmojmë atyre që ta formësojnë të ardhmen e tyre dhe marrim pjesë në zhvillimin e komuniteteve të tyre.

SOS Fshatrat e Fëmijëve Kosovë punon në partneritet me institucionet përgjegjëse, organet shtetërore, akterët kryesorë, organizatat kryesore dhe ofruesit e shërbimeve në fushën e mbrojtjes sociale të fëmijëve në nevojë, dhe u krijon mundësi të rinjve që të përfshihen me kontributin dhe ndikimin e tyre në formësimin dhe hartimin e politikave dhe në zhvillimin e shërbimeve dhe programeve.

1.1 Konteksti i programit

Në kuadër të planit strategjik dhe aktiviteteve avokuese për të mbështetur proceset e nivelit nacional dhe lokal në zhvillimin dhe fuqizimin e sistemit të shërbimeve sociale po kërkojmë një ekspert tematik individual për ofrimin e shërbimeve të konsulencës për analizimin e gjendjes aktuale të shërbimeve sociale në Kryeqytet, si dhe lehtësimin e mbështetjen e grupit punues në hartimin e strategjisë dhe planit të veprimit për shërbime sociale 2025-2028 për Kryeqytetin e Prishtinës.

1.2 Kohëzgjatja e angazhimit

Koha e synuar e angazhimit është Qershor- Shtator 2025, ku vlerësohen orientimisht 10 ditë angazhimi në raport me rezultatet e pritshme.

2. Qëllimi i shërbimit

2.1. Qëllimi

Qëllimi i këtij angazhimi është ofrimi i shërbimeve të konsulencës për hartimin e Strategjisë dhe Planit të Veprimit për shërbime sociale 2025-2028 për Kryeqytetin e Prishtinës.

2.2. Rezultatet e pritshme

- Raport analitik mbi gjendjen aktuale të shërbimeve sociale dhe familjare në Kryeqytet, duke përfshirë rishikimin e kornizës ligjore, politikave ekzistuese, strukturave organizative, kapaciteteve institucionale, burimeve njerëzore dhe financiare, si dhe praktikave aktuale në nivel komunal.
- Organizimi dhe lehtësimi i takimeve me grupin punues, për të mbledhur të dhëna, identifikuar sfidat dhe prioritetet kryesore në fushën e shërbimeve sociale dhe familjare.
- Fasilitasi i punëtorëve me palët relevante (përfaqësues të institucioneve publike, OJQ-ve, ofruesve të shërbimeve dhe përfituesve), për të siguruar një dokument të ndërtuar mbi evidenca dhe përvojë praktike.
- Hartimi i Strategjisë dhe Planit të Veprimit për shërbime sociale 2025-2028 për Kryeqytetin e Prishtinës, që përfshinë objektivat strategjike, rezultatet e pritshme, masat prioritare dhe qasjen e integruar për përmirësimin e qasjes dhe cilësisë së shërbimeve sociale dhe familjare në Kryeqytet.
- Dorëzimi i versionit final të Strategjisë dhe Planit të Veprimit për shërbime sociale 2025-2028 për Kryeqytetin e Prishtinës, i harmonizuar me komentet nga grupi punues dhe palët kyçe, duke përfshirë: objektivat e matshme, aktivitetet e propozuara, koston e përafërt të zbatimit, burimet e mundshme të financimit, afatet kohore për zbatim dhe indikatorët për monitorim dhe vlerësim.



Plani i punës së bashku me metodologjinë e propozuar të cilat i ofron eksperti duhet të përshkruajnë në detaje planin e punës dhe metodologjinë (metodat dhe mjetet e punës) duke përfshirë edhe objektivat kryesore, hapat dhe procedurat se si do të realizohet angazhimi, përpilimi i të dhënave, afati kohor, etj.

3. Shkathtësitë e kërkuara (përvoja dhe kualifikimet) nga eksperti

- Kompetencë/përvojë të dëshmuar (të dhënat e përvojës paraprake) në angazhime të ngjashme;
- Nivel universitar shkollimi në shkenca sociale, juridik, menaxhim projektsh ose ndonjë fushë te ngjashme.
- Të ketë së paku tri vjet përvojë në fushën e hartimit të akteve ligjore juridike ose punës në fushën e mbrojtjes sociale, punës ose dialogut social;
- Të ketë përvojë të dëshmuar në përpilim dhe hartim të dokumenteve në fushën përkatëse;
- Të ketë shkathtësi të shkëlqyeshme analitike dhe konceptuale;
- Të ketë shkathtësi të shkëlqyeshme në shkrim dhe komunikim;
- Duhet të ketë njohuri të mira për sistemin e të drejtave të fëmijëve dhe mbrojtjes së fëmijëve;
- Të ketë njohuri të mira për sistemin e shërbimeve sociale dhe familjare;
- Të ketë përvojë dhe punë të dëshmuar me institucione nga sektori shoqëror dhe organizata që ofrojnë shërbime sociale;
- Duhet të ketë përvojë të dëshmuar të bashkëpunimit efektiv me institucionet publike në nivelin qendror dhe lokal, ofruesit e shërbimeve publike dhe OJQ-të;
- Duhet të ketë shkathtësi të mira personale dhe ndër-personale për punë në ekip;
- Duhet të garantojë dorëzimin me kohë të rezultateve dhe detyrave të pritshme;
- Duhet të jetë i njoftuar me standardet etike lidhur me çështjet që kanë të bëjnë me fëmijët dhe do t'i kërkohej që të nënshkruajë dhe t'i përmbahet Politikave për Mbrojtjen e Fëmijëve;
- Njohja e gjuhës angleze është përparësi;
- Njohuri dhe përvoja të punës/ bashkëpunimit të mëhershëm me SOS Fshatrat e Fëmijëve Kosovë është përparësi.

4. Produktet që duhet të dorëzohen në fund të angazhimit:

- Dorëzimi i versionit final të strategjisë dhe planit të veprimit për shërbime sociale 2025-2028 për Kryeqytetin e Prishtinës.

5. Aneksi – Politikat e SOS Fshatrat e Fëmijëve, Kosovë

SOS Fshatrat e Fëmijëve Kosovë e ka dokumentin e politikave për mbrojtjen e fëmijëve dhe kodin e sjelljes, të cilat eksperti pritët t'i përmbahet dhe nga ta do të kërkohet ta nënshkruajnë deklaratën e përkushtimit ndaj Politikave të SOS Fshatrave të Fëmijëve të cilat përfshijnë: Politikën për mbrojtjen e fëmijëve, Rregullorja për Parandalimin dhe mbrojtjen kundër ngacmimit, shfrytëzimit dhe abuzimit seksual, Kodin e mirësjelljes, Deklarata për ruajtjen e të dhënave si dhe Rregullore kundër korrupsionit. Kjo do të bëhet me rastin e nënshkrimit të kontratës, ku konsulenti do të udhëzohet lidhur me proceset e brendshme të mbrojtjes së fëmijëve.

6. Udhëzime për ofertuesit (procesi i dorëzimit të ofertave)

I ftojme ofertuesit që t'i dorëzojnë propozimet e tyre për mbështetjen e hartimit të strategjisë dhe planit të veprimit për shërbime sociale 2025-2028 për Kryeqytetin e Prishtinës.

Në formatin PDF dhe t'i dërgojnë në mënyrë elektronike në procurement1@soskosova.org

Oferta është e hapur për të gjithë ekspertët e pavarur që mund t'i ofrojnë shërbimet e kërkuara. Propozimi dhe të gjitha dokumentet përcjellëse duhet të dorëzohen në gjuhën shqipe. Oferta financiare duhet të shprehet në Euro.

Dokumentet që duhet dorëzuar:

- CV e ekspertit (përfshirë tri referenca pune- kontaktet)
- Propozimi teknik dhe metodologjia për kryerjen e shërbimit të kërkuar
- Dëshmi të punës/dokumente të ngjajshme
- Kopje e letër-njoftimit
- Propozimi financiar- çmimi duhet të konsiderohet pagesë BRUTO (Oferta duhet të jetë e vlefshme për dy javë).

Ofertuesi i përzgjedhur, para nënshkrimit të kontratës duhet të paraqesë prova:

- vërtetim që nuk është nën hetime

7. Kohëzgjatja e kontratës dhe kushtet e pagesës

- Pagesa do të realizohet në një shumë fikse, totale për të gjithë angazhimin.
- Pagesa do të bëhet vetëm pasi SOS Fshatrat e Fëmijëve Kosovë ta pranojë punën e realizuar sipas produkteve të përshkruara më lartë. Pagesa do të bëhet nëpërmjet transferit bankar në llogarinë bankare të ekspertit individual duke ndalur tatimin në të ardhura personale dhe kontributin pensional, sipas ligjit në fuqi dhe jo më vonë se 30 ditë pas pranimi të punës së realizuar;



- PAGESA PËR EKSPERTIN DO TË BËHET ME RASTIN E DORËZIMIT TË VERZIONIT FINAL TË STRATEGJISË DHE PLANIT TË VEPRIMIT PËR SHËRBIME SOCIALE 2025-2028 PËR KRYEQYTETIN E PRISHTINËS;

Kriteret e përzgjedhjes:

Kriteret	Maksimumi i pikëve
• Përvoja e ekspertit në procese të këtilla angazhimi (të bashkëngjiten publikimet, dokumentet në CV) Vlerësimi bëhet në bazë të kualifikimeve dhe përvojës.	40
• Metoda (metodologjia) e propozuar për realizimin e shërbimit është e përshtatshme, ndërsa plani i punës është real dhe e përmbush qëllimin.	30
• Çmimi i ofertës financiare	30
Totali	100

Afati për dorëzim:

Aplikacioni duhet të dërgohet më së voni më: **17.06.2025** deri në mesnatë. Aplikacionet që dërgohen pas këtij afati nuk do të merren parasysh.